

Maerachtighe


Tijdinge vande groote

Victorie/ ende slach gheslaghen teghen de Rebelle
in Bohemen / alwaer den Graeff van Bucquon
met den Hertoch van Saperen vier duysent voet-
volc ende xxiij. Cornetten leerden vanden vpat
hebben verflaghen/ met zeven stucken Geschuts
ghenomen.

Maer ouer den Grave van Bucquon zijne Victorie
heeft vervolcht/ ende de stadt van

Praghe inghenomen.

Nu eerst Ghedruckt den xxvj. November. 1620.



Van twerpen/ By Abraham Verhoeven / op de
Lombaerde veste/ inde gulde Sonne. 1620.
Met Gratie ende Privilegie. Z.

[Faint, illegible text within a rectangular border, possibly bleed-through from the reverse side of the page.]





SEER EERVV. HEEREN.

DE Obligatie die ick aen V.E. hebbe als Regeerders van mijn Vaderlant, doen my verstouten V.E. deelachtich te maken vande wter maten Goede ende seer Ghe-
desireerde Tijdinghen die mijn Heere den Ambassadeur van sijne Catholijcke Coninc-
lijke Majesteit desen auont ten 9. uren heeft ontfanghen, versekert sijnde die V.E. als Ghe-
trouwe ende Catholijcke Vasallen van onse Ghenadighe Princen seer aenghenaem fullen wesen te verstaen.

Zij

Den

DEn 9. deser Maent zijn den Hertoch van
 Beperen ende Grave van Bucquoy met
 hunne Leghers Meesters vande Stadt /
 ende Casteelen van Praghe gheworden in spijdt
 vanden Legher vanden Pals-Grave / ende andere
 Rebellen / hebbende over de vier duysent van hun
 Volck verflaghen / ende vier en twintich Cornet-
 ten af hendich ghemaect / ende seven Stucken
 Gheschuts / De twee Engghelsche Ambassadeurs
 die ouer ettelijcke Maenden herwaerts bevonden
 hun in de Stadt / ende siende dat hinnen Heere
 Schoon-Sone de Neerlaghe creech / begonsten
 van Parlementen te spreken / dan hadden te lan-
 ghe ghewacht / soo dat ons volck hun terstonde
 deden retireren / ghevende alsoo voortganck aen
 hunne begonste Victorie die brenghende tot een
 gheluckigh eynde / hoe hun metten Buert sal ver-
 gaen hebben / en schrijven niet noch oock waer den
 Pals-Grave hem gheretireert heeft / segghen alleen-
 lijk datter eenen Cousebandt vande Orde van
 Engghelandt soude ghevonden zijn / die ick men-
 ne den zijnen moet wesen / metten eersten worde
 breeder Informatie van alles verwacht / Dese
 Tijdinghe heeft den Hertoch van Beperen aen
 den Ceur-Vorst van Mentz gheschreven die den
 originelen Brief aenden Marquis Spinola ghes-
 onden

sonden heeft / ende zijn Excellentie heeft den selven
zijne Hoocheyt ghesonden die mijn Heer den Am-
bassadeur daer van deelachtich heeft ghemaect /
Den Heere wilt geven D. E. veele dierghelijcke tij-
dinghen mach adviseren / ende andere occasien mo-
ghen verclaren / waer inne verhoonen mach mijne
begheerte die ick hebbe mijn Vaderlant / ende uwe
E. te dienen in alle occurentien / Ick bidde Godt
de Heere te ghesparen uwer Eertw. tot Welbaert en
Voorspoet van de vermaerde Stadt. In Antwerpē
in lang-duerige gesontheit mijn schrijven / en alrijt
Seer Eervveerdighe Heeren.

V. L. seer Ootmoedighen
Dienaer G. I.

In Brussele den 23. Nouember 1620.

Vidit C. Dew. A.

De Priuilegie van onse Ghenadighe Princen.

ALBERTVS ende ISABELLA Clara Eugenia Eertsz Hertoghen van Oosten-rijck, Hertoghen van Borgondien, Brabandt, ende Souueraine Princen van Nederlandt, &c. Hebben door singuliere Priuilegie verleendt in't Iaer ons Heeren seshienhondert ende vijf, Onderteeckent I. de Busschere, ghegunt ende verleent aen Abraham Verhoeuen, gesworen Boeck-drucker binnen Antwerpen, te mogen Drucken ende te snijden in houdt oft Copere Platen, ende te vercoopen, in allen de Landen van hare ghehoorsaemheyt, alle de Nieuwe Tijdinghen, Victorien, Belegeringhen, ende innemen van Steden, die de selue Princen souden doen oft becomen, soo in Vrieslandt oft ontrendt den Rhijn: Ende midts dien in dese Nederlanden ter oorsake van den ghemeynen Treues sulckx niet te passe en compt, Soo hebben hare voorseyde Hoocheden aen den seluen Abraham Verhoeuen, wederom op een nieuwe toeghelaten te mogen Drucken, snijden, ende te vercoopen alle de Victorien, Belegeringen, innemen van Steden ende Casteelen die voor de Keyserlijcke Majesteit souden gheschieden in Duytflandt, in Bohemen, Moravien, Oosten Rijck, Silesien, Hungarijen, ende andere Provintien in het Keyserrijk ghelegen, ghe-exploiteert vā wegen den Graue van Bucquoy, ende Dampier, oft andere, midts-gaders oock alle de Nieuwe Tijdinghen van Hollandt, Brabandt, ende andere Provintien van Ouermazecomende, &c. Verbiedende aen allen Boeck-druckers Boeck-vercoopers, Cremers, ende andere de selve naer te Drucken oft Conterfeyten in eeniger-hande manieren, Op de penen daer toe ghesteldt, breeder blijckende by de Brieven van Octroye, verleendt den xxviij. dach Januarij 1620. In hunne Raden Gheteeckent

A. I. Cools.

D'ander inden Secreten Rade gedaen den vj. Meert 1620.

Onderteeckent

D. Gottignies.

